
捣藻堂四庫全

書薈

要要

集部



尚有疑於予今既釋然予可以無言也已叙其所以而歸之 不苟同於予亦非苟異於予者矣卷首汝成之請蓋其時 先儒之學得有淺深則其為言亦不能無同異學者惟 之非汝成也不知汝成之言非予言也於戲若汝成可謂 之連日夜而始快然以釋油然以喜冥然以與不知予言 而稍釋馬而稍喜馬而又疑馬最後與子遊於王泉益論 汝成於吾言始而駭以拂既而疑馬又既而大疑馬又既 書石川老甲戊

整 當反之於心不必尚求其同亦不必故求其異要在於 甚 生云賢且學他是處未須論他不是處此言最可以自 則 而已今學者於先儒之說尚有未合不妨致思思之 其為罪大矣同志中往往似有此病故特及之程先 終有不同固亦未為甚害但不當因此而遂加非毀 而自治嚴矣 見賢思齊馬見不賢而內自省則不至於責人已 議論好勝亦是今時學者大病今學

者於道如管中窺天少有所見即自足自是傲然居之

王文成全書

傍視之方為之竦息汗顔若無所容而彼悍然不顧略 意記記之聲音顏色拒人於千里之外不知有道者從 無省覺斯亦可哀也已近時同華中往往亦有是病者 不疑與人言論不待其辭之終而已先懷輕忽非笑之 所見正期體之於心務期真有所見其孰是孰非 見時可出此以警勵之 敢盡以為是也其於後儒之說雖亦時有異同未敢 以為非也朋友之來問者皆相爱者也何敢以不盡 某之於道雖亦略有所

新定四庫全書 | ·

身發明之底有益於斯道也若徒入耳出口互相標立 志當育而教之及曰仁去祁生乃來京師謁予遂從予 祁生傅鳳志在養親而苦於貧徐曰仁之為祁也憫其 黙而識之學而不厭 近聞同志中亦有類此者切須戒勉乃為無貧孔子云 門戶以為能學則非某之初心其所以見罪之者至矣 南聞予言若有省將從事於學然痛其親之貧且老 與傅生鳳甲戌 斯乃深望於同志者也

C a.) 7 int 2. din 1

王文成全書

可 孝 來 若生者亦誠可憐者也生之志誠出於孝親 救 龔以是干升斗之禄日夜不息遂以是得危疾幾不 繼 不孝而不之覺矣若生者亦誠可憐者也生聞之悚 灰匹庫全書 J 美欲求 母弟又替而愚無所資以為養乃記誦訓話學文 問曰家貧親老而 同門之士百計寬譬之不能已乃以質於予予曰 禄 仕 而至於成疾以預其驅 巻八 不為禄 仕 得為孝乎予曰不得 得為孝子生 然 و 陷

不得為孝矣殉其軀

而

欲讀書學文以求禄仕禄

鉑

孝 成 予 别 父 可 於是沒 得乎生曰不可得禄仕矣曰 也哀鳳之貧而 聞 失為爾惕安爾命 曰 此遗之 保 其疾危來視遂欲携之同歸予憐鳳之志而 書王天宇卷 爾精 然泣下甚悔 ,母絕爾 不 甲戌 能 生正爾情母辱爾親盡爾職 毋 販也憫 且曰鳳 以外物戕 鳳 然則爾何以能免於不 何 之去而 爾 如而可以免於不 性 斯可以免矣 不 能 留也 毋 不 臨 能 其 孝

Ċ

ξ

Э

THE STATE OF THE

王文成全書

79

壅 繤 之者也後之言格致者或異於是矣不以 立 與 徐 一馬灌溉馬獎精勞力而不知其終何所成矣是故 才 万 誠 之言曰聖誠 相 傑之士能然哉出兹卷請予言予不敢虚則 曰仁數為予言天字之為人予既知之矣今年春 Œ 敏而 見於姑蘇話通宵益信曰仁之言天字誠忠信 之功也譬之植馬 Æ -1.11. IV 沉潜者也於是乎慨然有志於聖賢之學 而已矣君子之學以誠身格物 誠 其根也格致其培壅而 植 根而徒 為 致 灌 誦 知 聞 者 者 古 始 非 溉

猶 所 Ð 仁者以天地萬物為一體莫非己也故曰已欲立而 3 泥 禪矣或疑予言之求異矣然吾不敢的避其說而 e 緑飾 其說而其之察也獨何數令之君子或疑予言之 書王嘉秀請益卷 於已外以誣於人也非吾天宇之島明其孰與 而心日外識益廣而偽益增涉獵考究之愈詳 **F** 其奸者愈深以甚是其為與亦既可親矣 ALIO IN 甲戌 王文成全書 立 信 内 顄

向 未善也瑞鳳祥麟人爭快 善人之東奏好是懿德故九見惡於人者必其 者 矣 見人之不善則 人已欲達而達人古之人所以能見人之善若已有之 灾 有虎狼蛇蝎之形也今之見惡於人者 今見善而 之矣夫虎狼蛇蝎未 無 乃自陷 犀马 -Tul-於 妬 不仁之甚而弗之覺者那夫可欲之 其 惻 然若已 勝巴見不善而疾 必有害人之心而見之必惡 推 覩 虎 而 狼蛇 納 諸 視 蝎見者持挺 溝中者亦仁 輕蔑不 雖 其自 在 復 取 小 ٢ tt 而 為 有 謂 而 數 2

言最學者所喫緊其在吾子則猶對病之良樂宜時時 末世佛老邪僻之見而弗覺亦可哀也夫有一言而可 我者吾見亦多矣嗚呼自以為有志聖人之學乃墮於 已無已者無我也世之學者執其自私自利之心而自 必盡惡無亦在外者猶有惡之形數此不可以不自省 以終身行之者其恕乎强恕而行求仁莫近馬恕之一 以為為巴漭馬入於隳墮斷滅之中而自任以為 君子之學為已之學也為已故必克已克已則 無

日とちくち

聖賢之學坦如大路但知所從入尚循循而進各隨分 就 愈勞去道愈遠向在除陽論學亦懲末俗甲污未免專 量皆有所至後學厭常喜異往往時入斷蹊曲 勤 若終迷随習者已無所責其間亦多與起感發之士 高明一路開導引接蓋橋 内自省則躬自厚而薄責於人矣此遠怨之道也 服之也見賢思齊馬見不賢而內自省夫能見不賢 書孟源卷 乙亥 枉救偏以拯時弊不得 徑 用カ

欽定四庫全書 人

習者亦微有間然完其歸極相去 能幾何哉孟源伯生 復來金陵請益察其意向不為無進而說談之弊亦或 平實簡易之道展無貧 時趨向皆有可喜近來又復漸流空虚為脱落新奇 論使人聞之甚為足憂雖其人品萬下若與終迷陋 免故因其歸而告之以此遂使歸告同志務相勉 生思元自廣來學既而告歸曰夫子之教思元既 書楊思元卷 į . 15 乙亥 相 王文成全書 期云耳 略

警 乎 明 盈 閘 者 慎 敏 必 者也警敏者也强明 之懼不克任請 耻 者乎故 者病於淺 惡之自 則 不 則虛虛則 知 無 不家是 謙 街者吾 者也少見 君子之 **西是故** 無不容是故受 故 所 觀 積 必 ソス 者病 浮而不能實砭子之 耻 砭其疾者而書諸 而 而 之 愈堅 自 而 於於高是故 必 而 街 者 自省也其謙 誠 而 人有不我惡者乎有不 斯 不 不 立矣彼 溢 知默 徳 紳 亢而 者 斯 也自 疾 予曰子 聚 少 黙子 尖點 不能 得 其 盈 而 下 者 自 則) 默 强

欽

定四庫

全書

玄 子 Ð 也言猶枝葉也根之不 默志於道矣而猶有詩文之好何耶实小技也不專 益以進其在玄點固 生也予別玄默久友朋得玄默 獨 曰 志則不得况君子之求道而可分情於他好乎孔 詞達而已矣蓋世之為詞章者其不以是藉其 書玄黙卷 不日有徳 者必有言有言者不必有德乎德猶 植 所為根盛而枝葉茂者耶玄 而徒以枝葉為者吾未見其 所為詩者見其辭藻 根

乙亥

てこ)

.... J. J. ...

王文成全書

維 過 賢以予將遠去持此卷求書警戒之辭只此警戒二 留都示予以斯卷書此而遺之玄點尚有以告我矣 書顧維賢卷 辛已

窗

定匹庫全書 人

卷.八

字便是予所最丁寧者今時朋友大患不能立志是以 懈弛散漫度日若立志則警戒之意當自有不容 磋

者為氣所勝習所奪只好責志又云九為詩文亦喪志

實 遂有毫釐千里之謬故莫如專求之四書四書之言簡 聖 又言且省外事但明乎善惟盡誠心其文章雖不中不 同 矣所守不約泛濫無功學問之道四書中備矣後儒 尚賴三益之資致三損之戒吾**俸從事於學顧**隨 苟以忠信進徳之心求之亦自明白易見與不善人 論未免互有得失其得者不能出於四書之外失者 汙不思輔仁之友欲求致道恐無是理矣非笑訴沒 如入鮑魚之肆久而不覺其臭則與之俱化孔子大). A.S. 王文成全書 九

聖賢所不免伊川有涪州之行孔子尚微服過宋今日 淪胥 弱 致 風 堅定亦便志氣激昂奮發但知明已之善立已之誠以 學者便不當自立門户 同流合行維賢温 恐 紛 俗益偷人心日以 詆 バス 然而起勢所必至亦多由 笑之來不 溺 每到此便須 能無 淪 雅 反身痛自切責為已之志未 動纔為所 卷八 朋 溺的欲自立違俗拂泉 友中最為難得 い 招誘速毁亦不當故避 所養未深髙 動 即 依阿隱忍久 似 亦微 自 指 標 失之 摘 榜 將 能 所 非 非

歃

定匹庫全書 1

顄 守仁鄙劣無所 反皆為砥礪 為已之志未能堅定志尚堅定則非笑試毀不足動 求快足乎已豈暇顧人非笑指摘故學者只須責自家 大 辱臨者皆不敢相見或不得已而相見亦不敢有 許盡是私意為害不小不可以不察 足习事会書 恤 壁 此皆隨俗習非之久相沿 帖 壬午 切 磋之地矣今時人多言人之非毀亦當 知識且在憂病奄奄中故九四方同 王文成全書 其 八說莫 知以 b 為非一 + 不 所 志 知 揺

不次 曾有所請視其色津津若有所喜然一日衆皆退乃獨 坐 王生一為自惠員笈來學居數月皆隨衆恭謁默然未 之學者外孔孟之訓而他求是舍日月之明而希光於 Ð 爝之微也不亦緣乎有員速來之情聊 月九支離决裂似是而非者皆異說也有志於聖人 說各請歸而求諸孔孟之訓可矣夫孔孟之訓 書王一為卷 癸未 此以謝荒迷 昭 如

欠口

膚寸之外無所益數則何以至於千丈子謂膚寸之外 復入堂下而請曰致知之訓干聖不傳之秘也一為既 曰 有所益數則膚寸之外子將何以益之一為躍然起拜 領之矣敢請益予曰千丈之水起於庸寸之萌芽子謂 欴 間教矣又三月思其母老於家告歸省視因書以與 定四車全書一人 **諮問為學予曰立志而已問立志予曰為學而已守** 書朱守指卷甲申 王文成全書 <u>+</u>

專也思援弓繳而射之其事分也守詣曰人之言曰 之心知也人皆有之子無患其無知惟患不肯知耳無 之未至行之不力予未有知也何以能行乎予曰是非 立志之事也譬之实馬实者其事也專心致志者其心 立志亦烏在其為志乎故立志者為學之心也為學者 欲為學誰為學有其志矣而不日用其力以為之雖欲 請未達予曰人之學為聖人也非有必為聖人之志雖 也以為鴻鵠將至者其心二也惟奕秋之為聽其事

惠其知之未至惟患不致其知耳故曰知之非艱行 善也致其知為不善之知而必不為之則知至矣知 不善也途之人皆能知之而子有弗知乎如知其為善 其為善也告之以九為不仁不義之事被皆能知其為 致其知為善之知而必為之則知至矣如 艱今執途之人而告之以九為仁義之事被皆能知 און מוש על אבו ביי כי ניי 不就下者决而行之者致知之謂也此吾所謂知行 也人心之無不知猶水之無不就下也决而行之 王文成全書 知其為不 ナニ 猶

合一者也吾子疑吾言乎夫道一而已矣 釤 **定匹庫全書** 書諸陽卷甲申

事物之理無窮果惟致吾之良知而可盡乎抑尚有所

於其外也乎復告之曰心之體性也性即理也天下

以求理此告子義外之說也理也者心之係理也是

寧有心外之性寧有性外之理乎寧有理外之心乎

復請日致知者致吾心之良知也是既聞教矣然天下 姪諸陽伯復請學既告之以格物致知之說矣他日

窮 學 故 則 理也發之於親則為孝發之於君則為忠發之於朋 與 於支離之病者也曰然則朱子所謂如何而為温清之 权合一 為信千變萬化至不可窮竭而莫非發於吾之一 問思辯亦所以養心非謂養心之時無有所 理而為二矣若吾之說則端莊静一亦所以窮理 理之時無有所謂心也此古人之學所以知行並進 端莊静一為養心而以學問思辯為窮理者析 之功後世之學所以分知行為先後而不免 謂理 而 而 15

文包日事全書

王文成全書

養之宜則必實致其奉養之力而後吾之知始至如是 實致其温青之功而後吾之知始至知其如何而為奉 遂謂之致知則孰非致知者耶易曰知至至之知至者 矣而未可以為致知也知其如何而為温青之節則 節 乃可以為致知耳若但空然知之為如何温青奉養而 不惑者也 也至之者致知也此孔門不易之教百世以俟聖人 如何而為奉養之宜者非致知之功乎曰是所謂 おハ 必

來請銘於予予之不為文也久矣辭之固而請弗已則 三原張思欽元相將葬其親上有日矣南走數千里而 書張思欽卷 乙酉

與之坐而問日子之乞銘於我也將以圖不朽於其親 也則亦寧非孝子之心乎雖然子以為孝子之圖不朽 其親也盡於是而已乎將猶有進於是者也夫圖

岩傳之於其子之身乎故子為賢人也則其父為賢人

王文成全書

古

定日車全書

於人也則曷若圖之於子乎傳之於其人之口也則

号

致 圖 有其心又何 父矣子為聖人也則其父為聖人之父矣其與托之 人之言也孰愈夫叔 說馬求 朽 額 尼之為子 拜 於 而 後拜口元 而 其親者矣 復稽曰元 格 致之要 耶 以圖不朽 抑 亦 相 明日入 則 相 非 梁紀之名至今為不朽 レン 芍 語 至 他 於其親子請歸葬吾親而來 非 人為之銘 之 而 於夫子之門則幾失 至 ひく 問 良 聖人之學則 於夫子之 知 之說 耶 思 門 馬 欽感 語 矣 思 所 欽 狀、 格 亦 躍 而

屯 盛 卒業於夫子之門則庶幾其不朽之圖矣 雖 惟 意也然不能自日之留而自日之間又不過三四會 有天下易生之物一日暴之十日寒之未有能生者 別之後報復離屋索居不相見者動經年歲然則豈 承諸君之不鄙每子來歸咸集於此以問學為事甚 十日之寒而已乎若是而求萌蘖之暢茂條连不可 書 中天閣勉諸生 Z 酉

得矣故予切望諸君勿以予之去留為聚散或五六

2

į

A date !

王文成全書

立

A

直 事 其 誠 之 交 或 勸 者 不 九 矜 染 勝 ルス 得 也 砥 E 已之長 心而 動氣求勝長 相 相會之時 亦日 礪 即 41 1 有 下為益或 切 遠 行憤嫉 俗事相 磋 以攻人之 Ð 使道德仁義之習日 だ 踈 須虚心 傲 議 妨 レス 所 遂 調 論 亦 圯 短 おハ 粗 非 族 未 須 相 務 合要在 敗 心浮氣 遜 破冗一會於此 觀而善百工居 群為志則 在 志 黙 相 橋以 從容 親 而成之不言 親 相 Ð 沽 涵育 敬 雖 近 肆以 大 名 務 Ħ 則世利 許 講時習 在誘 相 抵 感 成 而 ルン 朋 為 信 其 紛 レン 友

金

灾

匹

盾

者也人熟無是良知乎獨有不能致之耳自聖人以至 於此亦無益矣諸君念之念之 大本也致是良知而行則所謂天下之達道也天地以 至於萬代之後無有不同是良知也者是所謂天下之 於愚人自一人之心以達於四海之遠自干古之前以 A.) To tall to date (州朱生守乾請學而歸為書致良知三字夫良知者 書朱守乾卷乙酉 謂是非之心人皆有之不待學而有不待慮而得 王文成全書 六

皆只是一傲字便結果了一生做箇極惡大罪的人更 髙 也矣 位萬物以育將富貴貧賤患難夷狄無所入而弗自得 令人病痛大段只是傲千罪百惡皆從傲上來傲則 自是不肯屈下人故為子而傲必不能孝為弟而 解救得處汝曹為學先要除北病根方纔有地步可 不能弟為臣而 書正憲扇 Z 傲 及不能忠象之不仁丹朱之不肖 自 傲

窗

定匹庫全津 |

能忠堯舜之聖只是謙到至誠處便是允恭克讓温恭 九塞也汝曹勉之敬之其母若伯魯之簡哉 人故為子而謙斯能孝為弟而謙斯能弟為臣而謙斯 進傲之反為謙謙字便是對症之藥非但是外貌里遜 心之良知是謂聖聖人之學惟是致此良知而已自然 須是中心恭敬撙節退讓常見自己不是真能虚已受 致之者聖人也勉然而致之者賢人也自敬自昧而 正日年 全部 1 書魏師孟卷乙酉 王文成全書 ナセ

習沒溺既久先横不信之心而然使能姑置其舊見而 而 不肯致之者愚不肖者也愚不肖者雖其蔽昧之極良 致良知之外無學矣自孔孟既沒此學失傳幾千百 驗夫良知之同然矣間有聽之而疑者則是支離之 不感者也每以放夫同志無不躍然以喜者此亦可 賴天之靈偶復有見誠千古之一快百世以俟聖人 又未嘗不存也尚能致之即與聖人無異矣此良知 以為聖愚之同具而人皆可以為堯舜者以此也是

偕計北上不得久從於此吾雖畧以言之而未能悉也 平氣以釋吾說蓋亦未有不幡然而悔悟者也南昌魏 故特書此以遺之 氏兄弟舊學於予既皆有得於良知之說矣其季良貴 子禮為諸暨宰問政陽明子與之言學而不及政子禮 孟因其諸兄而來請其資票甚額而意向甚篤然以 書朱子禮卷甲申

退而省其身懲已之念而因以得民之所惡也室已之

王文成全書

R A.D D LOT & MAIN

以室已之慾也順民之所趨而因以舍已之利也警民 月 得民之所患也明已之性而因以得民之所同也三 也傷已之易而因以得民之所忽也去已之靈而因 所忽而因以傷已之易也极民之所患而因以去已 平民之所惡而因以懲已之忿也從民之所好而因 而問學陽明子與之言政而不及學子禮退而脩其 而政舉嘆曰吾乃今知學之可以為政也已他日又 而因以得民之所好也舍已之利而因以得民之所 匹庫生書

其良知焉曰吾乃今知學所以為政而政所以為學皆 親其民親民所以明其明德也是故明明德體也親民 嘆日吾乃今知政之可以為學也已他日又見而問政 用也而止至善其要矣子禮退而求至善之說烱然見 與學之要陽明子曰明德親民一也古之人明明德以 之靈也復民之所同而因以明已之性也春年而化行 不外乎良知焉信乎止至善其要也矣 書林司訓卷丙成

たこう

אושו לו אווה ו

王文成全書

九九

耄耋之年而猶走衣食於道路者乎周衰而王迹熄民 始有無恒産者然其時聖學尚明士雖貧困猶有固窮 負戴於道路死徙無出鄉出入相友疾病相扶持鳥有 之節里問族黨猶知有相恤之義逮其後世功利之說 林司訓年七十九矣走數千里謁子於越予憫其既老 日浸以盛不復知有明德親民之實士皆巧文博詞以 四民皆有定制肚者倘其孝弟忠信老者衣帛食肉不 貧處無以為濟也差乎昔王道之大行也分田制禄

灾

四月全書

喪心抵笑警怒子亦不自知其力之不足日濟於顛危 大道之要小人蒙至治之澤而晓亮者皆視以為狂感 其之救以死而不顧也不亦悲夫予過彭澤時當憫林 思有以正人心息邪說以求明先聖之學庶幾君子聞 其難哉吾為此懼揭知行合一之說訂致知格物之謬 以為從事於聖賢之學如是而欲挽而復之三代嗚呼 飾詐相規以偽相軋以利外冠裳而內禽獸而猶或自

之窮使邑令延為社學師至是又失其業於歸也不能

王文成全書

節定四車全書 一

潮有處士黃翁保號坦夫者其子夢星來越從子學越 有所資給聊書此以遺之 書黃夢星卷丁亥

禀氣差弱若不任於勞者竊怪其乃不憚道途之阻遠 報復來如是者屢屢夢星質性温然善人也而甚孝然 去潮數千里夢星居數月輕一告歸省其父去二三月

從事矣其必往來跋涉若是乎夢星點而言曰吾父

勤苦無已也因謂之曰生既聞吾說可以家居養親

責夢星日吾衰矣吾不希汝業舉以干禄汝但能若數 責之曰实兒女子欲以是為孝我乎不能黃鵠千里而 旬日即已具資糧戒童僕促之於行夢星涕泣以請則 生長海濵知慕聖賢之道而無所從求入既乃獲見吾 月之留以奉菽水不許則求為踰月之留亦不許居未 足也矣夢星是以不遠數千里而來從每歸省求為三 子者一聞夫子之道馬吾雖吸粥飲水死填溝堅無不 郷之薛楊諸子者得夫子之學與聞其說而樂之乃以

欽定四庫全書 又

赴八

始或有以之而相講究然至考其立身行已之實與其 家忽使人來計云處士沒矣嗚呼惜哉嗚呼惜哉聖賢 **画夢星之本心然不能久留於親側而條性條來吾父** 子也勉之哉卒成乃父之志斯可矣今年四月上旬其 之命不敢違也予曰賢哉處士之為父孝哉夢星之為 思為異下之雛徒使吾心益自苦故亟遊夫子之門者 之學其父見棄於世也不啻如土苴苟有言論及之則 共非笑紙斥以為怪物惟世之號稱賢士大夫者乃

誠心一志實以聖賢之學督教其子如處士者可多得 其談論粉篩文具於其外如是者常十而八九矣求其 汲汲焉惟功利之為務而所謂聖賢之學者則徒以資 乎而今亡矣豈不惜哉豈不惜哉阻遠無由往哭遥寄 有成以無忘乃父之志 風勵夫世之為父兄者亦因以益勵夢星使之務底於 莫以致吾傷悼之懷而叙其遣子來學之故若此以


飲


定四車全書一人

王文成全書

圭

平日家庭之間所以訓督期望其子孫者則又未當不






總校官庶吉士 校 對 騰 官修 録 監 生 撰 臣 臣 臣 异 張 何 能 戡

欽定四庫全書管要其文成全書卷九

詳校官候補通政司經歷臣郭祚熾





衰耗頹塌將至於不可支持而不自覺今幸上天仁愛 適有過睡之患是愛慮警省易轅改轍之機也此在陛 浮躁沮抑正大剛直之氣而養成怯懦因循之風故其 事而懼之盛心也當該多故主爱臣辱孰敢爱其死況 惡習以成俗互相為好爱世者謂之迁往進言者目以 計為左右者內挾交蟠蔽壅之資而外肆招權納賄之 於為大臣者外託慎重老成之名而內寫固禄希寵之 有一二之見而忍不以上聞耶臣愚以為今之大患在

得言者也臣亦何為而不可之有雖其所陳未必盡合 備急二曰舎短以用長三曰簡師以省費四曰屯田以 時論然私心竊以爲必宜如此則又不可以茍避乖刺 事機之得失苟有所見是固勞養之所可進卒伍之所 足食五曰行法以振威六曰敷恩以激怒七曰捐小以 而遂已於言也謹陳便宜八事以備採擇一曰蓄材以 小臣何敢侍聞其事以干出位之誅至於軍情之利害 下少宜自有所以痛革弊源懲艾而振作之者矣新進

王文成全書

軍之所恃以動得其人則克以勝非其人則敗以亡其 劉錡之徒以為之將李綱之徒以為之相尚不能止金 全大八曰嚴守以乗弊何謂蓄材以備急臣惟將者三 人之衝突令以一統之大永其任事如數子者曾未見 之外自無可以繼之者矣如是而求其克敵致勝其的 廷會議推舉固己倉皇失措不得己而思其次一二人 何恃而能乎夫以南宋之偏安猶且宗澤岳飛韓世忠 可以不豫蓄哉令者過方小冠曾未足以辱偏裡而朝

禦之若之何其猶不寒心而早圖之也臣愚以為今之 武舉僅可以得騎射搏擊之士而不足以收韜畧統馭 授之以韜畧謀献又於武學生之内歲升其超異者於 才如今之提學之職者一人以教育之習之以書史騎射 此使之相與磨確砥礪日稽月考别其才否比年而校 無所裨益誠使公侯之子皆聚之一所擇文武兼濟之 之才令公侯之家雖有教讀之設不過虚應故事而實 尺已日華 全 一人萬一虜冦長驅而入不知陛下之臣孰可使以 王文成全書

試三年而選舉至於兵部自尚書以下其兩侍郎使之 每歲更迭处邊於科道部屬之內擇其通發特達者二 云的寫不畜終身不得臣願自令畜之也何謂舍短以 只有急所以遥度而往莅之者不愿無其人矣孟軻有 **廖情之虚實事勢之緩急無不深諳熟察於平日則** 三人以從因使之得以周知道里之遠近邊關之要害 用長臣惟人之才能自非聖賢有所長必有所短有所 明必有所蔽而人之常情亦必有所懲於前而後有所

多以過失罪名擯棄於開散之地夫有過失罪名其在 些於後吳起殺妻忍人也而稱名將陳平受金貪夫也 平居無事誠不可使處於人上至於今日之多事則彼 難之際而必欲拘於規矩繩墨之中吾知其必不克矣 臣當聞諸道路之言曩者過關將士以號勇强悍稱者 用人之智去其訴用人之勇去其怒夫求才於倉卒艱 而稱謀臣管仲被囚而建霸孟明三北而成功顧上之 以駕馭而鼓動之者何如耳故曰用人之仁去其貪

王文成全書

前非以思奮勵令誠委以數千之眾使得立功自贖彼 征輸則無財是故固不可以言因糧於敵矣然則今日 猶且日費千金今以中國而禦夷屬非漕輓則無粟非 使過也何謂簡師以省費臣聞之兵法曰日費千金然 後十萬之師舉夫古之善用兵者取用於國因糧於敵 之驍勇强悍亦誠有足用也且被擯棄之久必且悔艾 保守者功宜相遠矣古人有言使功不如使過是所謂 又素熟於邊事加之以積憤之餘其與不習地利志圖

今速詔諸將密於萬人之內取精健足用者三分之一 之師可以輕出乎臣以公差在外南歸旬日遥聞出師 簡師一事猶可以省虚費而得實用夫兵貴精不貴多 草始盡野無所獵三也以臣料之官軍南至屬迹追矣 寫以爲不必然者何則北地多寒令炎暑漸熾屬性不 夫兵固有先聲而後實者今師旅既行言已無及惟有 也虜逐水草以爲居射生畜以爲食令已蜂也兩月邊 耐我得其時一也虜恃弓矢令大雨時行的膠解弛二

P and a date |

王文成全書

所分馬耳令誠於邊塞之平以其所以養京軍者而養 先亦非過將之所喜彼之請兵徒以事之不濟則責有 兵以食為主無食是無兵也邊關轉輸水陸千里踣頓 立募於帳下奚必自京而出哉何謂屯田以給食臣惟 之以其所以賞京軍者而賞之旬日之間數萬之眾可 之費豈不為兩便哉况今官軍之出戰則退後功則爭 固不知也是萬人之威猶在也而其實又可以省無窮 而餘皆歸之京師萬人之聲既揚矣令家歸京師邊關 **反匹周在言**

遥為聲勢以相掎角冠去仍復其業因以其暇繕完虜 官既不堪戰陣又使無事坐食以益邊困是與敵為謀 食亦可以少息輸飽矣此誠持久俟時之道王師出於 百姓貧近師貴賣貴賣則百姓財竭此之謂也今之軍 捐棄十而致一故兵法曰國之貧於師者遠輸遠輸則 所拆毀邊墙亭堡以遏衝突如此雖未能盡給塞下之 給種授器待其秋成使之各食其力冠至則授甲歸中 也三邊之戍方以戰守不暇耕農誠使京軍分屯其地

於包日車全書 一

王文成全書

為曲全之地也彼亦何憚而致其死力哉夫法之不行 機者往往以計倖脱朝丧師於東睡暮調守於西鄙罰 儀也張用濟斬於轅門狄青之至廣南也陳睹戮於故 萬全之長策也何謂行法以振威臣聞李光弼之代子 無所加兵因縱弛如此則是陛下不惟不真之罪而復 下是以皆能振疲散之卒而推方强之屬今過臣之失 以武勇而收錄之也則亦何不可之有然而此輩非勢 自上犯之也今總兵官之頭目動以一二百計彼其誠

家之子弟即豪門之夤縁皆以權力而强委之也彼且 一發令之日即以先所喪師者斬於轅門以正軍法而所 然矣其又何以臨師服衆哉臣願陛下手物提督等官 於法又敢斬之以殉乎是將軍之威固已因此輩而索 需求刻剥騷擾道路仗勢以奪功無劳而冒賞懈戰士 謂頭目之屬悉皆禁令發回毋使讀擾侵冒以撓將權 其委之也敢以不受乎其党之也其肯以不庇乎苟戾 之心與過我之怨為總兵者且復資其權力以相後先

史足可車全書 學

王文成全書

怒痛心疾首日夜淬礪務與之俱殺父兄之響以報朝 房警明以天倫激以大義懸賞以鼓其勇暴惡以深其 怨尤則生者自宜感動然後簡其强壮宣以國恩喻以 撫其瘡痍問其疾苦恤其孤寡振其空之其死者皆無 則士卒奮勵軍威振肅克敵制勝皆原於此不然雖有 之成其死亡者非其父母子弟則其宗族親戚也令誠 以激怒臣聞殺敵者怒也令師方失利士氣消沮三邊 百萬之衆徒以虚國勞民而亦無所用之也何謂數思

悍以示弱或詐潰而埋伏或潜軍而請和是皆誘我以 屬情虚實事難卒辨當其挑誘之時畜而不應未免必 不已則必該訴以致師或捐棄牛馬而偽逃或擀匿精 足破者矣何謂捐小以全大臣聞之兵法曰將欲取之 廷之德則我之兵勢日張士氣日奮而區區聽虜有不 利也信而從之則懂其計矣然令邊關守師人各有心 也今萬勢方張我若按兵不動彼必出銳以挑戰挑戰 公固與之又曰佯比勿從餌兵勿食皆捐小全大之謂

钦定四車全書 慶

王文成全書

嚴守以来弊臣聞古之善戰者先為不可勝以待敵之 失機養威為慎惟欲責以大成而小小挫失皆置不問 危亡之地不從則又懼於坐視之誅此王師之所以奔 縱許以便宜其縱之也不以其坐視其捐之也不以為 逐疲勞損失威重而聽虜之所以得志也今若恣其操 有剽掠之虞一以為當救 可勝盖中國工於自守而胡屬長於野戰令邊卒新 我師常逸而兵威無損此誠勝敗存亡之機也何謂 以為可邀從之則必陷於

禁過而始奮威并出若不得已而後從之是以一戰而 畜力養鋭譬之積水俟其盈滿充溢而後乗怒急决之 為今之計惟宜嬰城固守遠斥候以防奸勤間誤以謀 唐勢方劇若復與之交戰是投其所長而以勝予敵也 **膚熟訓練以用長嚴號令以肅惰而又頻加犒享使皆** 破强胡令我食既足我威既盛我怒既深我師既逸我 钦定日車全書 以牛酒享士士皆樂為一戰而牧屢抑止之至其不可 則其勢并力驟至於崩山漂石而未已昔李牧備邊日 王文成全書

堅破虚以鋭攻鈍所謂勝於萬全立於不敗之地而不 守既堅我氣既鋭則是周悉萬全而所謂不可勝者既 失敵之敗者也右臣所陳非有奇特出人之見固皆兵 横擊是乃以足當匱以盛敵良以怒加曲以逸擊勞以 伏悉師振旅出其所不趨趨其所不意迎邀夾攻首尾 在於我矣由是我足則虜日以置我盛則虜日以表我 怒則屬日以曲我逸則屬日以勞我堅則屬日以虚我 則虜日以鈍索情較計必將疫罷奔逃然後用奇設

議可否轉行提督等官即為斟酌施行毋使視為虚文 或知之而不能行類皆視為常談漫不加省勢有所軼 之至 務欲責以實効疾於軍機必有少補臣不勝為國惨惨 **弛發一至於此陛下不忽其微乞粉兵部將臣所奏熟** 則委於無可奈何事憚煩難則為因循茍且是以玩習 日日日本日日 之養病疏官刑部主事

家之常談今之爲將者之所共見也但今遇關將師

前往直隸淮安等府會同各該巡按御史審决重囚己 臣原籍浙江紹與府餘姚縣人由弘治十二年二甲進 風寒恬無頗忌內耗外侵舊患仍作及事竣北上行至 漸益平復遂以為無復他處竟廢醫言捐棄樂餌衝冒 士弘治十三年六月除授前職弘治十四年八月奉命 疾劑炎交攻入秋稍愈遽欲謝去樂石醫師不可以為 行遵奉奏報外切縁臣自去歲三月忽患虚弱咳嗽之 根既植當復的好勉强服飲頗亦臻效及奉命南行

樂苦口利於病臣之致此則是不信醫者逆耳之言而 前追誦醫言則既晚矣先民有云忠言逆耳利於行良 揚州轉增煩熱遷延三月延羸日甚心雖戀闕勢不能 懼遂填於溝壑螻蟻之私期得暫離職任投養幽間茍 畏難苦口之樂之過也今雖悔之其可能乎臣自惟田 全餘生無申初志伏望聖恩垂憫乞物吏部容臣暫歸 野監儒粗通章句遭遇聖明竊禄部署未妨答於涓埃

原籍就醫調治病痊之日仍赴前項衙門辨事以圖補

王文成全書

東包事至書一

報臣不勝與切願望之至 乞有言官去權姦以章聖德疏正德元年時

事特物錦衣衛差官校拿解赴京臣不知所言之當理 臣聞君仁則臣直大舜之所以聖以能隐惡而楊善也 與否意其間必有觸冒忘諱上干雷霆之怒者但以銑 臣邇者編見陛下以南京户科給事中戴鉄等上言時

等職居諫司以言為責其言而善自宜嘉納施行如其

未善亦宜包容隐覆以開忠讀之路乃今赫然下令遠

陛下熟從而聞之陛下聰明超絕的念及此寧不寒心 為陛下言者豈其無憂國爱君之心哉懼陛下復以罪 事拘囚在陛下之心不過少示懲創使其後日不敢輕 况今天時凍冱萬一差去官校督東過嚴銃等在道或 過舉耳然則自是而後雖有上關宗社危疑不制之事 鉄等者罪之則非惟無補於國事而徒足以增陛下之 率妄有論列非果有意怒絕之也下民無知妄生疑懼 臣切惜之今在廷之臣其不以此舉為非宜然而其敢 王文九全書

許諸人直言無隐之條故故味死為陛下一言伏惟俯 乃臣承乏下係皆言智罪伏親陛下明古有政事得失 不可使壅塞手足之不可使矮痺必將惻然而有所不 臣又惟君者元首也臣者耳目手足也陛下思耳目之 明改過不各之男聖德的布遠通人民胥悦豈不休哉 願陛下追收前首使鉄等仍舊供職擴大公無我之仁 致失所逐填溝壑使陛下有殺諫臣之名與羣臣紛紛 之議其時陛下必將追咎左右莫有言者則既晚矣伏

新定匹库在書

垂有察不勝干冒戰慄之至 臣由弘治十二年進士歷任令職盖叨位竊禄十有六 自刻乞休疏斗舞時官

稍崇偶幸漏網然其不職之罪臣自知之不敢重以欺 僚臣反顧內省點檢其平日正合擯廢之列雖以階資 年中問鰥曠之罪多矣豳者朝廷舉考察之典棟太屋

王文成全書

陛下况其氣體素弱近年以來疾病交攻非獨才之不

惶恐待罪之至 使得自附於乞休之末臣之大幸亦死且不朽臣不勝 惟陛下明燭其罪以之為顯罰使天下晓然知不肖者 時臣疾已作然不敢以疾請者人臣鰥曠廢職自宜擯 項者臣以朝廷舉行考察自陳不職之狀席崇待罪其 之不得以倖免臣之願死且不朽若從末減罷歸田里

甚趾也淑愚混淆使勸懲之典不明臣之所甚懼也伏

金灰四月在司

犬馬然臣病侵氣弱力不能從其心臣自往歲投竄荒 雖冥頑亦寧不知感激自奮及其壯齒陳力就列少效 澤其實內病潜滋外强中楊項來南都寒暑失節病遂 後值聖恩汪減掩瑕納垢復玷清班收飲精魂旋回光 與處其時雖未即死而病勢因仍漸肌入骨日以深積 夷往來道路前後五載家犯瘴霧魑魅之與游蟲毒之

大作且臣自幼失母鞠於祖母答今年九十有六耄甚

王文成全書

逐以彰國法疾非所言矣陛下寬恩曲成留使供職臣

土永街犬馬惟盖之思倘得因是的延残喘復為完人 無生理陛下至仁天覆惟恐一物不遂其生伏乞放臣 臣自七月以來切見道路派傳之言以為陛下道使外 臣齒未甚衰暮猶有圖劾之日臣不勝怨切願望之至 暫回田里就醫調治使得目見祖母之終臣雖獨越下 不可迎侍日夜望臣一歸為缺臣之疾痛抱此苦懷萬 夷遠迎佛教羣臣紛紛進諫皆斥而不納臣始聞不信

争力沮宜乎陛下之有所拂而不受忽而不省矣愚臣 端之前縣羣臣之諫雖亦出於忠爱至情然而未能推 使陛下好佛之心果已真切怨至不徒好其名而必務 原陛下此念之所從起是乃為善之端作聖之本正當 將順擴充遡流求原而乃在於世儒崇正之說徒爾紛 既知其實然獨竊喜幸以為此乃陛下聖智之開明善 於定日車全書 王文成全書 得其實不但好其末而必務求其本則堯舜之聖可至 之見獨異於是乃惟恐陛下好佛之心有所未至耳誠

傅四海即位以來偶值多故未暇講求五帝三王神聖 一寄於此陛下聰明豈固遂安於是而不知此等皆無益 陛下言其好佛之實陛下聰明聖知昔者青宫同己播 觀於遊心之樂盖亦無所用其聰明施其才力而偶託 道不過如此則亦有何可樂故漸移志於騎射之能縱 之道雖或時御經遊儒臣進說不過日襲故事就文敷 三代之盛可復矣宣非天下之幸宗社之福哉臣請爲 行立談之間直能處有所開發陛下聽之以為聖賢之

萬民之困苦亦可因是而蘇息故遂特降編音發幣遣 清心絕欲求全性命以出離生死又能慈悲普爱濟度 有損之事也哉馳逐困憊之餘夜氣清明之際固將取 殺之直徒息精養氣保全性命直徒一身之樂將天下 犀生去其苦惱而躋之快樂令災害日與盜賊日熾財 陛下言者故遂遠思西方佛氏之教以爲其道能使人 倦日生悔悟日切而左右前後又莫有以神聖之道為 力日竭天下之民困苦已極使誠身得佛氏之道而拯

たの日本はは

王文成全書

陛下好佛之心誠至則臣請母好其名而務得其實母 使不憚數萬里之選不愛數萬金之費不惜數萬生靈 母求諸佛而求諸聖人母求諸外夷而求諸中國此又 好其未而務求其本陛下誠欲得其實而求其本則請 知之開明善端之朔蘇者亦宜過為諛言以佞陛下哉 之困斃不厭數年往返之遲久遠迎學佛之徒是盖陛 下試以臣言反而思之陛下之心豈不如此乎然則聖 下思欲一洗舊習之非而幡然於萬明光大之業也陛

致遠之具豈不利器乎然而用非其地則技無所施陛 今居中國而師佛教是猶以車馬渡海雖使造父為御 夫佛者夷狄之聖人聖人者中國之佛也在彼夷狄則 非臣之苟為遊說之談以誑陛下臣又請得而備言之 下若謂佛氏之道雖不可以平治天下或亦可以脫離 道以祭賛化育猶行陸者必用車馬渡海者公以舟航 王良為右非但不能利涉必且有沉溺之患大車馬本 可用佛氏之教以化導愚頑在我中國自當用聖人之

臣日車全書 下

王文成全書

最所宗慕釋迎者其尚於脫離生死起然獨存於世令 言其短言其長者夫西方之佛以釋迎為最中國之聖 得其縊與後乃窺見聖道之大始遂亲置其說臣請母 信則臣請比而論之臣亦切當學佛最所專信自謂悟 佛氏之書具載始末謂釋迦住世説法四十餘年壽八 人以克舜為最臣請以釋迎與克舜比而論之夫世之 之囂頑就此二說亦復不過得吾聖人之餘緒陛下不 一身之生死雖不可以恭替化育而時亦可以導產品

堯年一百二十歲其壽比之釋迎則又萬也佛能慈悲 十二歲而沒則其毒亦誠可謂高矣然舜年百有十歲 德以親九族則九族既睦平章百姓則百姓的明協和 施捨不惜頭目腦髓以救人之急難則其仁爱及物亦 成若其仁爱及物比之釋迎則又至也佛能方便說法 萬邦則黎民於變時雍極而至於上下草木鳥獸無不 誠可謂至矣然必苦行於雪山奔走於道路而後能有 所濟若堯舜則端拱無為而天下各得其所惟克明峻

Cast of the Cast

王文成全書

克舜則光被四表格於上下其至誠所運自然不言而 信 以欺惑愚冥是固佛氏之所深排極武謂之外道邪魔 明與四時合其序與思神合其吉凶其神化無方而 神通妙用亦誠可謂大矣然必耳提面誨而後能若在 用無體比之釋迦則又大也若乃詛咒變幻眩怪捏 |與佛道相反者不應好佛而乃好其所相反求佛 不動而變無為而成盖與天地合其德與日月合其 悟羣迷戒人之酒止人之殺去人之貪絕人之嗔其

請母好其名而務得其實母好其末而務求其本務得 道者日日與之推求講究乃必有能明神聖之道致陛 陛下未之求耳陛下試求大臣之中茍其能明堯舜之 迎之道則吾中國之大顧宣無人能傳克舜之道者子 彼則釋她之亡亦已久矣若謂彼中學佛之徒能傳釋 其實而求其本則請毋求諸佛而求諸聖人母求諸夷 下於堯舜之域者矣故臣以爲陛下好佛之心誠至則

次 足 日 車 全 書

王文成全書

乃求其所排該者也陛下若以堯舜既没必欲求之於

復禮而天下歸仁孟軻云人皆可以為克舜豈欺我哉 諸克舜之道則不必涉數萬里之遥而西方極樂只在 陛下果能以好佛之心而好聖人以求釋迦之誠而求 皆整鑿可證之言孔子云我欲仁斯仁至矣一日克已 足此又非臣之緣為大言以欺陛下必欲討究其說則 目前則不必麼數萬之費斃數萬之命歷數年之久而 狄而求諸中國者果非妄為遊說之談以誑陛下者矣 一塵不動彈指之間可以立騎聖地神通妙用随形随

陛下反而思之又武以詢之大臣詢之羣臣果臣言出 後至八月又以舊疾交作復乞天恩赦回調理皆未蒙 殞越之至專差舎人某具疏奏上以聞 察則宗社幸甚天下幸甚萬世幸甚臣不勝祀望懇切 臣原任南京鴻臚寺卿去歲四月當以不職自劾求退 之的不覺踊躍喜幸軟進其將順擴充之說惟陛下 於虚繆則甘受欺妄之戮臣不知諱忌伏見陛下善心 次包日車全書! 辭新任己以舊職致仕疏中一年十月時世 王文成全書

潰政債事臣一身戮辱亦異足惜其如陛下之事何况 才以堪夫因才器使朝廷之大政也量力受任人臣之 待罪鴻臚間散之地猶懼不稱况兹巡撫重任其将何 准允追勉尸素因循日月至今年九月十四日忽接吏 臣疾病未已精力益表平居無事尚爾奄奄軍旅驅助 大分也膴仕顯官臣心豈獨不願一時貪倖茍受後至 寫念臣才本庸劣性復迁政兼以疾病多端氣體羸弱 部咨文蒙思陸授前職聞命驚惶感泣之餘莫知攸措

豈復堪任臣在少年粗心浮氣狂誕自居自後涉歷漸 年九十有七旦暮思臣一見為訣去歲乞休雖迎疾病 之誅臣雖顛殞敢忘銜結臣自幼失慈鞠於祖母答今 愚不加謫逐容令仍以鴻臚寺卿退歸田里以免負乗 有短長憫凡愚之所不逮别選賢能委以兹任憫臣之 念朝廷之大政不可輕地方之重寄不可茍體物情之 自知則既審矣又何敢崇飾舊惡以誤國事伏願陛下 久稍知慚沮逮今思之悔割靡及人或未考其實臣之

飲定四庫全書

王文成全書

懼哀怨祈望之至 實亦因此臣敢軟以螻螘苦切之情控於陛下與得 情迫切不自知其觸昧條憲臣不勝受恩感激清冒歌 部咨為缺官事該部題奉聖旨王守仁陞都察院左僉 臣原任南京鴻臚寺卿正徳十一年九月十四日准吏)先歸省視冬疾少伸反哺之私以俟於允之命臣吏 謝恩疏十二年正月

都御史巡撫南贛汀漳等處地方寫物與他欽此欽遵

免容令原職致仕随於十月二十四日節該欽奉初諭 臣自以非才多病懼不勝任以致債事當具本乞思辭 城池禁草好弊一應地方賊情軍馬錢糧事宜小則徑 韶州惠州潮州各府及湖廣郴州地方撫安軍民修理 自區畫大則奏請定奪欽此欽遵外十一月十四日續 爾前去巡撫江西南安贛州福建汀州漳州廣東南雄 見奉初書切責乃敢託疾避難奏回養病見今盗賊切 准兵部咨為緊急城情事內開都御史文森遷延誤事 王文式全書

前去用心巡撫欽此備咨到臣感思懼罪之餘不敢冒 奉聖旨王守仁不准休致南頭地方見令多事者上緊 吏部咨該臣奏為乞恩辭免新任仍照舊職致仕事奏 扶疾候旨至浙江杭州府地方於十二月初二日復准 昧復請随於本月初三日起程至次年正月十六日已! 上紫去不許解避遲誤欽此聞報憂慙不是掌處一面 無愈加誤事該本部題奉聖古既地方有事王守仁看

掠民遭杀毒萬一王守仁因見地方有事假託辭免不

母發寝食鎮兵糧耗竭之餘加之以師旅而盗賊殘破 於負素不暇虞於覆餗追勉在事忽已踰旬受恩思效 況炎毒舊侵懼復中於瘴癘延衰日積憂不任於驅助 之後方苦於瘡疾尚爾一籌之未展敢云期月而可觀 效尤之嫌而聖古以多事為言恐蹈避難之罪逐爾冒 王文成全書

抵贛州接管巡撫外伏念臣氣體羸弱質性迂跳聊為

口耳之學本非折衝之才鴻臚間散尚以疾病而不堪

巡撫繁難宣其精力之可任但前官以解疾招議適踵

其力之所可為付利鈍於天亮無補於河嶽亦少致其 中效死之誠臣敢不勉其智之所不足竭砥礪於已盡 心有餘而才不逮足欲進而力不前徒切感思之報莫 弘治十三年二月内除授刑部雲南清吏司主事弘治 臣見年四十六歲係浙江紹與府餘姚縣民籍由進士 涓埃稍俟孤鼠巢穴之平終遂麋鹿山林之請臣不勝 給由疏十二年二月

痊赴部改除兵部武選清吏司主事正德元年十二月 内為有言官去權好以彰聖德事衆恩降授貴州龍場 清吏司郎中本年十二月初八日家陞南京太僕寺少 縣本年十月內陞南京刑部四川清吏司主事正徳六 驛驛丞正徳五年三月內蒙陞江西吉安府盧陵縣知 部文選清吏司員外郎正德七年三月內陞本部考功 年正月內調吏部驗封清吏司主事本年十月內陛本

王文成全書

孟

十五年八月内告回原籍養病弘治十七年七月內病

箇月三年考滿例應給由緣臣係巡撫官員見在福建 咨蒙恩陞都察院右愈都御史巡撫南贑汀漳等府 鴻臚寺卿本月二十五日到任至正徳十一年九月十 卿正德八年十月二十二日到任至正德九年四月二 正徳十二年正月十六日前到地方行事支俸起扣 四日止連閏歷俸二十九箇月零十二日本日准吏部 月二十五日止又歷俸十日連前共輳歷俸三十六 一日止歷俸六箇月本日到任吏部劄付蒙陛南京

據江西按察司整飭兵備帯管分巡領北道副使楊璋 離緣係三年給由事理為此具本奏聞 十二年二月初七日有龍南强城突來地名崇優屯割 呈據贛州府信豐縣及信豐守禦千戶所各報稱正德 剿捕續據申報强賊突來本縣小河住割離縣約有四 已經差委與國縣義民蕭承會同信豐龍南官兵相機 祭失事官員疏十二年三

臣 豆車全書

王文成全書

漳州等府地方督調官軍夾剿漳浦等處流賊未敢擅

領官兵相機攻圍去後續據縣丞舒富呈本月初十日 蒙委統領殺手陳禮魴打手吴尚能等共五百名經歷 王祚義民蕭承統領奉山加善雙秀弩手各三百名先 縣縣还舒富統領弩手殺手前去約會二縣掌印官并 流賊六百餘人突至城下除嚴督軍兵固守城池緣本 十餘里乞要發兵策應又據申報本月初九日有龍南 手并該縣兵夫救護又經差委南安府經歷王祚南康 所縣無兵禦敵誠恐前賊攻城卒難止過乞調奉山弩

節带兵四十餘名出城據鄉導馬客等報稱止有强賊 安新總并池大昇共為一陣賊首楊金巢自為一陣勢 **黄秀魁糾合廣東龍川縣利頭賊首池大鬢賊首池大** 六百餘人在地名花園屯割當同各官將兵分布割定 賊出管分為三哨約有二千餘徒敢知龍南反招賊首 只見前賊一陣止有百十餘徒先出有前哨義民蕭承 領兵就與敵殺斬獲賊級四顆奪獲白旗一面項刻衆 TO THE IS THE IS IN 王文成全書

後到於信豐縣會剿至十一日止有該所管屯千戶林

與蕭承林節等收集衆兵退至南营山把截遇蒙本道 餘人不意賊衆一湧前衝殺手陳禮魴百長鍾德昇等 甚得級甲職督統本哨兵快奮勇交鋒殺死賊徒二十 日前賊差人告招十三日家本道差蕭承前去招撫就 親臨該縣督剿各賊聞知退至牛州離城少遠至十二 經歷王祚上馬不便亦被執去城勢得勝仍要攻城随 士楊習舉等仍與前賊死敵不退俱被戳傷身死及有 見勢難當俱各不聽約束先行漫散有南康縣報效義

月十九日統領水元大石等保民兵弩手前去龍泉等 越過安遠縣住割本職督兵追截前賊已往廣東龍川 鎮撫劉鐘千户洪恩統領機兵旗軍於本月十八日前 保截剿各贼避回原巢去記難以躬追以此掣兵回縣 縣復回原巢利頭去記據安遠縣知縣劉瑪禀稱於本 去信豐縣截捕探得强城池大餐黄秀魁等從鴉鵲監 随據龍南縣知縣盧鳳呈稱本縣捕盗主簿周政會同

將經歷王祚放回賊往原巢去記等因到道備呈到臣

一定包日奉公書

王文成全書

待及於各鄉村往來路徑多張疑兵使賊不敢輕易奔 兵一千横接龍南邀其不備若賊猶也信豐急自龍南 突仍調安遠縣知縣劉瑀星夜起集水元大石等保民 斷賊歸路及調奉山弩手與南康打人手等責委縣丞 舒富統領前後夾擊又看得此贼既離巢穴利在速戰 緣由查得先據該道及信豐縣所各禀報前事已經批 仍仰該府急行所屬隣近官司俱要乗險設伏厚集以 仰該道兵備等官急調招撫義官葉芳協同石背兵夫

黄天爵千户鄭鐸巡捕副千户朱誠惟知固城自守不 肯發兵應援龍南知縣盧鳳捕盗主簿周政院備鎮撫 直趨利頭捣其巢穴賊進無所獲退無所處不過旬日 劉鐘千户洪恩地當關隘正可防遏坐視前賊往來甚 陣潰奔為賊所執後雖倖免終係失機信豐所縣知縣 快原其心雖出奮勇責以師律均為敗事經歷王祚臨 舒富承委督剿不能相度機宜輕率驟進以致殺傷兵 可以坐擒仰各遵照施行去後令據前因称看得縣及 王文成全書

钦定四車全書一人

方為果却亦不行時當処邏縱其過境胡掠又各不行 東龍川縣掌印捕盗等官明知首賊池大鬢等在彼地 使楊璋守備都指揮同知王泰俱屬提督欠嚴但楊璋 往來調度卒能招撫前賊計其功勞可以贖罪及照廣 約束先行潰散失誤軍機應合處以軍法該道兵備副 失律之罪亦宜分受安遠縣知縣劉瑀承調追襲緩不 不出兵邀擊千户林節即其兵力之寡似難全責完其 及事俱屬違法南康縣百長鍾德昇等臨陣不前故違

乗間復出為患公大正係緊關用人限備之際除将百 ·垂機追捕俱屬故違所據前項失事官員俱屬遵奉初 縣地方查勘前項殺死兵快數目及有無隱匿别項事 究外其餘前項各官且量加督責姑令戴罪院備各自 長鍾德昇等查勘的確處以軍法及方面軍職另行祭 雖陽受招撫其實陰懷異圖况其黨與根連三省萬一 諭事理即行提問但前項賊徒擁眾數千變詐百出名 相機行事勉圖後功以贖前罪仍一面委官前去信豐

於 定 四車全書

王文成全書

情另行祭奏緣係地方緊急賊情及祭失事官員事理 唐澤將領都指揮鈴事李将督據河頭等哨委官指揮 呈會同分守右祭政艾洪經理軍務左祭政陳策副使 據福建按察司整飾兵備無管分巡漳南道鈴事胡必 餘人進至長富村等處見得賊衆地險果九數多兼且 徐麒知縣施祥知事曾瑶等呈稱各職統領軍兵五千 未敢擅便為此具本請旨 随廣捷音疏十二年五

等共計四百三十二名期俘獲賊屬一百四十六名口 等各分哨路從長富村至潤竹洋新洋大豐五雷大小 焼燬房屋四百餘間奪獲馬牛等項被賊殺死老人許 奉等處與賊交鋒前後大戰數合擒斬首從賊犯黃燈 職又統官兵追至連花石與賊對割誠恐賊聚我寡呈 六打手黃富璘等六名餘賊俱各奔聚象湖山拒守各 四路裝伏勢甚猖獗尅期於正德十二年正月十八日

一次定日車全書

乞添兵策應等因到道行據大溪哨指揮高偉呈報統

王文成全書

會舉夾攻恐生他變通行呈票間續奉本院紙牌為進 官兵所不能攻令城勢日甚若不添調狼兵稍俟秋冬 李崇静等八名俱被賊傷身死甲職亦被戳二館勢難 勇抵戰章桓紀鏞馬陷深泥與軍人易成等七名兵快 抵敵只得收兵暫回聽候緣象湖山係極高絕險自來 兵約會運花石官兵攻打象湖山適遇廣東委官指揮 丞紀鏞領兵前去會剿不意大傘賊徒突出**早職等奮** 王春等領兵亦至彼境大傘地方早職與指揮覃桓縣

我兵奮勇鏖戰自辰至午呼聲震天撼搖山谷三司所 兵方畧事備行各職遵奉家諭伴言搞衆退師俟秋再 夜断校直趨三路並進直搗象湖山奪其隘口各賊雖 千二百名繼後分作三路各職統領俱於二月十九日 舉客切部勒諸軍乗懈奮擊依蒙密差義官曾崇秀水 探虚實無賊怠弛會選精兵一千五百名當先重兵四 钦定四車全書)失險但其間賊徒類皆驍勇精悍猶能凌輕絕谷超 如飛復據上層峻險四面飛打衰木礧石以死拒敵 王文成全書

巢與諸賊合勢亦被各賊殺死頭目賴頭打手楊緣等 等物燒煅房屋五百餘間餘賊潰散復入流恩山岡等 發奇兵復從間道鼓噪突登賊始驚潰大敗我兵乗勝 其問陸崖墮壑死者不可勝計奪回水黃牛贓銀館刀 亦由大豐領兵來會仍與前賊交鋒大戰擒斬首從賊 一十四名次早各職分兵追剿指揮萬偉推官胡寧道 追殺擒斬大賊首黄猫狸将四并廣東大賊首蕭細弟 郭虎等二百九十一名颗俘獲賊屬一百三十三名口

首從賊犯范與長等二百三十五名顆俘獲賊屬八十 一賊首詹師富江萬汽克起羅招賢等四名餘賊敗走復 勢甚强固各職依奉會議分兵五路連日攻打生擒大 等各呈稱賊首詹師富等情居可塘洞山寨聚糧守 去記又據金豐三團哨委官指揮王鎧李誠通判龔震 餘賊敗走各又避入廣東交界黄蠟溪上下樟溪大山 犯巫姐旺等一百六十三名顆俘獲賊屬一百六名口 人行子洞等處大山嘯聚随又分兵追襲與賊連戰擒 王文成全書

我兵三路進攻賊出拒戰甚銳我兵奮勇大噪而前擒 哨指揮韋鑑大溪哨推官胡寧道等於三月二十一日 據指揮徐麒等呈稱黃蠟溪上下漳溪與廣東饒平縣 贼殺死老人胡文政一名戳傷鄉夫葉永旺等五名又 斬首從賊犯温宗富等九十一名顆俘獲賊屬一十三 子時發兵齊至黄蠟廣東義民饒四等領兵亦至會合 新定匹庫全書 并本省永定縣山界相連遵依約會廣東官兵并金豐 二名口奪回被虜男婦五名口奪獲馬牛等物亦被各

賊復大敗又擒斬首從賊犯将宗成等一百四十六名 名口餘賊敗走各兵乗勝追至赤石巖仍與大戰良久 攻破長富村等處巢穴三十餘處擒斬首從賊犯一千 日村遇賊拒戰當陣擒斬首從賊犯未老叔等六十六 日布良等呈稱領兵追趕黃蠟溪等處逃賊至地名陳 名類俘獲賊屬八名口各另呈解到道轉解審驗紀功 **颗俘獲賊屬九十名口又據中營委官指揮張鉞百户** 巴日華全書 續據委官知府鍾湘呈稱紫調官兵先後兩月之間 王文成全書

虜男婦五名口燒燬房屋二干餘間奪獲牛馬贓仗 到臣及據廣東按察司分巡領東道兵備愈事等官顧 朱宗玉筣景璘等一千二百三十五名家口二千八百 理出給告示發委知縣施祥縣必余道招撫育從賊 本職遵照兵部奏行勘合并巡撫都察院節行案牌事 四百二十餘名顆俘獲賊屬五百七十餘名口奪回被 ,即今習從餘黨悉願攜帶家口出官投首聽撫安挿 名口俱經審驗安插復業緣由呈報到道轉

賴隆等并擒斬首從賊犯乗勝前進會同福建官軍尅 機陳策義官余黃孟等各報稱於本年正月二十四等 張大背劉烏嘴蕭乾爻范端蕭王即蕭五顯薊到蘇珞 進賊瞻顧不暇望風瓦解節據指揮楊昂王春通判徐 **尅期進剿隨奉本院進兵方晷當即遵依楊言班師一** 日尅破古村未窖禾村大水山柘林等巢生擒大賊首 面出其不意從牛皮石領腳隘等處分為三哨鼓噪並

王文成全書

應祥等會呈遵依本院案驗委官統領軍兵會同福建

蒙委知縣張戩督同指揮張天杰分哨由别路進兵攻 十四名颗俘獲賊屬八十四名口及牛馬賊仗等物各 奮勇合擊遂破箭灌當陣斬獲首從賊犯共計二百 賊首羅聖欽餘賊退入前灌大寒合勢乗險併力拒敵 寨賊黨聞風奔竄已散復聚愈相連結各設機險以死 鏞等情當即進兵策應各賊畏我兵勢燒果奔走生擒 文及間探知大傘賊徒清圍殺死指揮覃相縣丞紀 白土村赤口嚴等集直搗箭灌大寨諸賊迎戰我兵

一千二百五十八名颗俘獲贼屬九百二十二名口奪 蕉紗等物前後共計生擒大賊首一十四名擒斬賊犯 獲水黄牛馬一百三十九頭匹贓仗衣布等物共二千 |賊屬八百三十八名口奪獲馬牛贓銀銅錢衣帛器仗 角湖等處前後大戰十餘生擒賊首温火燒張大背雷 大重坑苦宅溪靖泉溪白羅南山等巢直搗洋竹洞三 拒守各職統兵分兵並進於三月二十等日攻破水竹 振蔡晟賴英等并擒斬賊犯共一千四十八名顆俘獲

王文成全書

贛州地方行事先於本月初三日於南昌地方據兩省 各官呈禀師期不同事體象錯誠恐彼此推調致誤軍 餉起調軍兵約會進剿間臣於本年正月十六日始抵 由呈報前來卷查先為急報賊情事准兵部咨該本部 胡文静等會議區畫各該守巡兵備等官欽遵整備糧 題已經福建廣東總鎮巡按等衙門都御史陳金御史 兩四錢八分銅錢一百四十二文各開報到道收審緣 鉝 百五十七件足葛蕉紗九十六斤一兩贓銀三十 匹庫在書 財費别生他處且勝敗由人兵責善用當此挫折各官 遭挫賊勢日甚乞要奏添狼兵候秋再舉備呈到臣称 看得各官頓兵不進致此敗砌顯是不奉節制故違方 等會呈指揮覃桓縣丞紀鏞被大傘賊衆突出馬陷深 **畧及照奏調很兵非惟日久路遥緩不及事無恐師老** 機當臣備遵該部咨來事理具開進兵方晷行仰各官 泥被傷身死及據各哨呈稱賊寒險惡天氣漸暄我兵! 協同上緊密切施行去後續據福建右泰政等官艾洪

王文成全書

温火燒等恃險從逆已將十年黨惡聚徒動以萬計鼠 ,杭等處一面督令各官察照方畧火速進剿立功自贖 旅得肆跳梁蛇豕漸無紀極切 剽焚驅數郡遭其茶毒 行称奏問随據各呈提音到臣恭照閱廣賊首詹師富 敢有支吾推調定以軍法論處一面查勘失事緣由另 失機會臣當日即自贛州起程親率諸軍進屯長汀上 正宜協憤同奮因敗求勝豈可輕白退阻倚調狼兵坐 定四庫全書

輸征調三省為之騷然臣等奉行誅剿三月之內遂

悉令歸農及將功次另行勘報外原係提音事理為此 重之典以作敢戰之風除將二省兵快量留防守其餘 **愈事楊懋知縣張戩才調俱優勞勒尤著伏乞俯從惟** 陳策副使唐澤知府鍾湘廣東如鈴事顧應祥都指揮 克提論過雖有計功亦多其間福建如愈事胡璉祭政 之安此非朝廷威德廟堂成算何以及此及照福建領 兵各官始雖疎於警備稍損軍威終能戮力協謀大致

王文成全書

克殲取渠魁掃為巢穴百姓解倒懸之苦列郡獲再生

具本題奏 定四庫全書 申明賞罰以属人心疏十二年

歃

軍機者並斬從軍違期係若軍臨敵境託故違期三日 呈伏覩大明律內該載失誤軍事係領兵官已承調遣 據江西按察司整的兵備帯管分巡領北道副使楊璋 不依期進兵策應若承差告報軍期而違限因而失誤

而逃者斬此皆罰典也及查得原擬直隸山東江西等 不至者斬主将不固守調官軍臨陣先退及圍困越城

賞不及六名除陛一級之外扣算賞銀三人四人五人 擒斬從賊六名以上至九名者止陞實授二級餘功 名者賞五兩均分領軍把總等官自斬賊級不准陛賞 次劇賊一名者五兩二名者十兩三名者賞實授 以上共擒斬以次劇賊一名者賞銀十兩均分從賊 不願者賞十兩陣亡者陛一級俱世襲不願者賞十 征剿流賊陞賞事例一人并二人為首就陣擒斬 - 獲功七十名以上者陞署一級一百名者陞實授 王文戌全書 圭

敵之時賞格止行於大軍征剿之日而不行於尋常用 此宜乎人心激勸功無不立然而有未能者盖以賞罰 欽 名者賞八兩三名者陛一級以次劇賊一名者陛署 典雖備然罰典止行於祭提之後而不行於臨陣對 級不及數者量賞一人捕獲從賊一名者賞銀四兩 定四庫全書 級俱不准世襲不願者賞五兩此皆賞格也賞罰如

兵之際故也且以領北一道言之四省連絡盗賊淵

近年以來如賊首謝志珊高快馬黃秀魁池大鬢之屬

為之激勸耳合無申明賞罰之典今後但遇前項賊情 為聲勢俟其解園退散卒不能取決一戰者以無賞罰 赴敵陣亡從實開報覆勘是實轉達奏聞一體陸賞至 官軍前以軍法從事所統兵眾有能對敵擒斬功次或 若生擒賊徒鞫問明白即時押赴市曹斬首示眾庭使 領兵官軍前以軍法從事領兵官不用命者許總統兵 領兵官不拘軍衛有司所領兵眾有退縮不用命者許 不時攻城掠鄉動鄉數千餘徒每每督兵追剿不過選 王文成全書

質罰既明人心激勵盗賊生發得以即時撲滅糧餉可 之不足由於賞罰之不行誠有如副使楊璋所議者臣 由於招撫之太濫招撫之太濫由於兵力之不足兵力 計不過三十有餘令據各府州縣兵備守備等官所 省事功可見矣具呈到臣卷查三省賊盗二三年前總 僚訪諸父老采諸道路驗諸田野皆以爲盗賊之日滋 已將數萬盖已不啻十倍於前臣皆深求其故詢諸官 人知警畏亦與見行事例决不待時無相悖戾如此則 定匹庫全書

害之民情官府之威令循或聚眾而與之角及鳴之於官 一當不畏誅討夫惟為之而誅討不及又從而招撫之然 請因是為陛下客言其故盗賊之性雖皆克頑固亦未 府之不彼與也益從而雙齊之民不任其苦知官府之 次足日華全書 一天 而有司者以為既招撫之則皆置之不問盗賊習知官 而不可常行於長惡怙終之冦可一施於回心向化之 後肆無所忌盖招撫之議但可偶行於無辜脅從之民 而不可屢施於随招随叛之黨南贛之盗其始也被 王文成全書 罕

滋由於招撫之太濫者此也失盗賊之害神怒人怨 賞之勤則亦何苦而不彼從乎是故近賊者為之戰守 盗賊乃無求不遂為民者困征輸之劇而為盗者獲 衆知官府之必不能為己地也夫平良有竟告無伸而 日 不足情亦遂靡然而從賊由是盗賊益無所畏而出切 少賊者為之鄉導處城郭者為之交援在官府者為之 頻知官府之必將已招也百姓益無所恃而從賊日 謀其始出於避禍其卒也從而利之故曰盗賊之日

養類皆脆弱驕情每遇征發追呼勾攝的日而始集約 未退望賊塵而先奔不及交鋒而已敗以是禦冠猶驅 患除功成名立豈非其所欲哉然而南贛之兵素不練 羣羊而攻猛虎也安得不以招撫爲事平故凡南贛之 兵悍卒足以殲渠魁而蕩巢穴則百姓之憤雪地方之 用兵不過文移調遣以苟免坐視之罰應名剿捕聊為 東齊遣又旬日而始至則賊已捆載歸巢矣或猶遇其 C all D not be defined 不痛心而獨有司者必欲招撫之亦豈得己哉誠使 王文成全書

遷轉之滞夫如是孰不以招撫為得計是故寧使百姓 之茶毒而不敢出一卒以抗方張之屬寧使孤兒寡婦 督責日至糾舉論劾者四面而起往往坐是而至於落 未必能克剿捕不克則必有失律之咎則必征調日繁 招撫之媒求之實用斷有不敢何則兵力不足則剿捕 無調發之勞可以無戴罪殺賊之責無地方多事不 號哭顛連疾苦之無告而不敢提一旅以忤反招之 敗名者有之招撫之策行則可以安居而無事可以 灾匹 周 在 1

爵賞之勸退而奔逃無誅戮之及則進有必死而退有 善用兵者驅市人而使戰收散亡之卒以抗强屬今南 贛之兵尚足以及數千宣畫無可用乎然而金之不止 常策故曰招撫之太滥由於兵力之不足者此也古之 信雖有百萬何益於用凡兵之情畏我則不畏敵畏敵 幸生也何苦而求必死乎吴起有云法令不明賞罰不 鼓之不進未見敵而亡不待戰而比何者進而效死無 足习事全書 王文庆全書 里

賊盖拍撫之議其始也出於不得已其卒也遂守以爲

賞不踰時罰不後事過時而賞與無賞同後事而罰與 臣等腐儒小生才識昧另而素不知兵者亦復何所真 乎議者以南贛諸處之賊連絡數郡蟠據四省非奏調 心而作與士氣是雖使韓白為將亦不能有所成況如 不罰同況過時而不賞後事而不罰其亦何以齊一 朝廷賞罰之典固未當不具但未申明而舉行耳古者 則不畏我令南贛之兵皆畏敵而不畏我欲求其用安 可得乎故日兵力之不足由於賞罰之不行者此也今

悉已逃避所可得者不過老弱有從無知之氓於是乎 盗大兵之與曠日持久聲勢彰聞比及舉事諸賊渠魁 狼兵大舉夾攻恐不足以掃湯巢穴是固一說也然臣 問復已呼嘯成羣此皆往事之已驗者臣亦近楝南 軍誅討之賞罰而行之平時假臣等以便宜行事不限 有横雅之像於是乎有妄殺之弊班師未幾而山林之 以為狼兵之調非獨所費不貨兼其所過残掠不下於)精鋭得二千有餘部勒操演畧有可觀誠使得以大

飲定日車全書!

王文成全書

里

奏敢有遲延隱匿巡撫巡按三司官即便祭問依律能 捕應台會捕者亦就調發策應但係軍情火速差人申 半費而收倍功臣請以近事證之臣於本年正月十五 行刼掠賊勢完惡或白畫爛截或明火持杖不拘人 職充軍等項發落雖不係聚眾草賊但係有名強盗肆 生發事情緊急該管官司即便依律調發官軍乗機剿 日抵贛卷查兵部所咨申明律例今後地方但有草賊 以時而惟成功是責則此於大軍之舉臣竊以為可省

備行前來時以前官久缺未及施行臣即刊印數千百 衆滋蔓貽患地方從重黎究决不輕貨等因題奉欽依 本部知會處置如有仍前朦朧隐蔽不即申報以致 推託逃避思効其力由此言之律例具存前此惟不申 紙通行所屬布告遠近未及一月而大小衙門以賊情 報者接踵亦遂屢有斬獲一二人或五六人七八 何者兵得随時調用而官無觀望掣肘則自然無 面設法緝捕即時差人申報合干上司并具由

A.) Sept of Auto 1

王文成全書

墨

專權不重賞罰不行以致於價軍敗事然後選重臣假 是而兵有不精賊有不滅臣等亦無以逃其死夫任不 未必不如是之速也伏望皇上念盗賊之日熾哀民生 以總制之權而往拯之縱善其後已無救於其所失矣 兵部俯采下議特假臣等令旗令牌使得便宜行事如 之日感憫地方茶毒之愈甚痛百姓冤憤之莫伸特初 臣才識淺昧且體弱多病自度不足以辨此行從陛下 而舉行耳令使賞罰之典悉從而申明之其獲效亦 **た 正 月 る き**

據江西按察司整飭兵備帯管分巡領北道副使楊 寡弱既不足以防遏贼勢事權輕撓復不足以齊 呈云云查得先因地方盗賊日熾民被茶毒竊計兵力 明賞罰以勵人心事理為此具本請旨 分寸收討贼之功臣亦得以少逭死罪於萬一縁係申 不敢不爲陛下盡言陛下從臣之請使後來者得効其 東足日華全書 一人 攻治盗賊二策疏十二年五月 王文成全書

〕骸骨茍全餘喘於林下但今方待罪於此心知其雖

宜行事期於成功不限以時則兵眾既練號令既明人 治之方亦有二說若陛下假臣等以賞罰重權使得 疽癰之在人身若不速加攻治公至潰肺决腸然而攻 前因臣等祭看得前項賊徒惡貫已盈神怒人怨譬之 幾舉動如意而事功可成已經具題間今復據各呈申 知激勵事無掣肘可以伸縮自由相機而動一寒可攻 心乞要申明賞罰假臣等令旗令牌使得便宜行事 一寨一巢可撲則撲一巢量其罪惡之淺深而爲

千萬人之積宽可雪然此以兵法十圍五攻之例計賊 之土兵四路並進一鼓成擒展幾數十年之大患可除 下民之情莫不欲大舉夾攻以快一朝之忿盖其怨恨 人拔齒之喻日漸動搖齒拔而兒不覺者也然而今此 之費無征調之擾日剪月削使之斯盡灰減此則如 撫剿度其事勢之緩惡以為後先如此亦可以省供饋 二萬須兵十萬日費千金殆於道路不得操事者七十 激不復計處其他公須南調兩廣之狼達西調湖

王文成全書

管建所輸四征未已誅求之刻百出方新若復 廣偏橋之討未息於湖湘無之杼柚已輕種不入土 兵民將何以堪命此則一拔去齒而兒亦随覧者也夫 追於鋒刃所加不過老弱智從且狼兵所過不減於盗 萬家積栗料財數月而事始集刻期舉謀又數月而兵 始交聲迹彰聞賊强者設險以拒敵點者挾類而深逃 輸之苦重困於民近年以來江西有姚源之沒瘡 起福建有汀漳之冠軍旅未旋府江之師方集於 四月白言 卷九

灾

據江西按察司整飭兵備帶管分巡嶺北道副使楊 甲王受等呈家差各役領兵與同已招大賊首黃秀璣 呈正徳十二年二月二十等日據贛州府龍南縣中總 地方緊急賊情事理為此具本請旨 敢以身謀而發國議惟陛下擇其可否斷而行之緣係 由前之說則如臣之昧劣實懼不足以堪事必擇能者 任之而後可若大舉夾攻誠可以分各而溥責然臣不 類奏擒斬功次疏十二年五月

י חגו הם שבור לו משוח []

王文成全書

年四月初九日又有廣東利頭老賊首池大餐串同反 瑜首級四顆奪獲黄黑旗二面殺死賊徒三十餘名本 與賊對敵當陣殺獲賊首黃秀幾黃大滿黃細滿黃積 等連謀行劫本役督率兵快人等前到地方黎坑際下 等前往安遠截捕流賊賴振禄等行至地名湖江背不 招賊首黄秀魁陳秀顯等糾眾四百餘徒打切千長何 料王秀璣反招主令伊弟黄大满黄細滿等沿途打搶 民財放大燒燬民人劉公南等房屋仍與賊首賴振禄

正屋白雪

宗清千總賴必等糾衆刼虜當起兵夫追至界首南流 首從賊人陳秀顯等一十二顆奪獲紅旗一面大小苗 申准縣丞舒富關拳賊三百餘人出刼當有保長王萬 牛五頭餘賊歸巢去記及據南安府申據大庾縣隘長 湖等帶領鄉兵擒捕殺獲賊級一顆生擒賊二名奪回 抄與賊對敵殺獲唐飛劍嚴宗清首級二顆及南安縣 張德報稱湖廣桂陽縣魚黄峒牽賊首唐飛劍總兵嚴 南等家本役又率兵夫至地名陳坑水與賊交鋒殺獲

次 包 車 全 書

王文成全書

被屬人口三名口奪獲黄牛二頭各解報到道審驗明 峒等處土兵協力奮勇與賊交鋒射傷賊徒二十餘 白等因又據廣東按察司分处領南道僉事黄昭呈部 陷南城當即起集鄉兵及打手民壯固守城池及 與敵射傷賊徒三名各賊退在比城外割管随調 賊首高快馬等衆突來城外并附近鄉村打劫欲 府乳源縣知縣沈湖申稱本年二月十八日有東 夗贼徒一十六名奪回被虜人口三十二名口又摅 j 相

擒獲賊徒張宏福王本四等一十六名俘獲賊婦二口 縣黃義官等家随調兵快行至地名長門徑與賊對敵 是實等因并據潮州府揭陽縣申流賊切長樂海豐等 宗興等擒獲賊徒一名奪獲馬一匹各呈解到道審驗 樂昌縣知縣李增申强賊六百餘徒出刼當集打手兵 四顆生擒賊徒二名奪獲馬七匹又據曲江縣搖總盤 壯前去截捕到地名雲門寺與賊交鋒斬復賊級二

定日華全書一人

王文成全書

乳

捕盗老人梁真等殺獲賊級二顆生擒賊徒一

一名及據

珠追獲賊徒雷進保等八名俱解赴領東道審驗等因 賴又督總甲鄭全等在地名葵頭障擒獲賊徒張仔等 殺至地名馬駿逕擒獲賊徒杜楝等四名殺獲賊級一 及據湖廣柳桂等處兵備副使陳壁守備指揮同知李 及據惠州府申准捕盗通判徐璣牒稱流賊一 -五名殺獲賊級一 十二名及千長彭伯璐等率兵擒獲賊徒黃貴等 十餘徒圍刼新地屯徐百户等家當督兵快打手追 類俘獲賊婦一口又有總甲黄廷 一夥約有

殺手令開住千户孔世傑等管領追襲至地名大田橋 巡撫地方事節該欽奉勅命爾巡撫江西南安贛州福 并據老人劉宣等捕獲賊徒雷克恕等六名俘獲婦 仗四十七件馬騾五匹奪回被虜人口二百五十名口 遇賊當陣擒斬首從賊人龍廣等三十二名顆奪獲贓 三口申報到道審驗明白各備由呈申開報到臣先為 汀州漳州廣東南雄韶州惠州潮州各府及湖廣林

琿各呈廣東苗賊

一千餘徒出刼與寧等處當起郴

钦定日車全書 一

等官將斬獲賊級閱驗明白發仰泉首生擒賊犯問 捕盗等官集起父子鄉兵及顧募打手殺手弩手人等 備行各道守巡兵備守備等官嚴督府衛所州縣掌印 各於賊行要路去處加謹防禦遇有盜賊出沒就便 我捕獲功呈報以靖地方令據各呈除行各該兵備 地方但有賊盗生發即便設法剿捕欽此欽遵已經 報俘獲賊獨并牛馬贓物俱變賣價銀入官與器械 軍被虜人口給親完聚獲功人員照例量行給

據福建按察司兵備僉事胡璉呈奉本院批據漳州府 忌憚釀成大禍今日動三軍之家合二省之威雖日強 呈准知府鍾湘關據南靖縣儒學生员張浩然等連名 **欧渠魁掃除黨類此特一時之計未為久遠之規乞於** 里遥遠政教不及小民罔知法度不時切掠鄉村肆無 |稱南靖縣治僻在一隅相離盧溪平和長樂等處地 - 縁係擒獲功次事理為此具本題知 ع 9 添設清平縣治疏十二年五月 P 2 dulo (王文成全書

驗令若添設縣治可以永保無虞等情又據南靖縣 省民居相距所屬縣治各有五日之程名雖分設都圖 漳平而超盗以靖上杭添設永定而地方以寧此皆明 與廣東饒平縣大傘箭灌等鄉接境皆係窮險賊巢兩 恩山岡接境西南與平和象湖山接境而平和等鄉 集道路適均政教既數盗賊自息考之近日龍巖添設 民鄉老曾敦立林大俊等呈稱河頭地方北與盧溪流 ,頭中營處所添設縣治引帯汀潮喉襟清寧人煙輳

5匹屋全意 |

實則不聞政教往往相誘出切一呼數千所過茶毒有 圍量度可六百餘丈西接廣東饒平北聯三團盧溪堪 等親詣河頭地方踏得大洋陂背山面水地勢寬平周 南靖縣知縣施祥帶領耆民會敦立等并山人洪欽順 移易風俗無得久安長治等因家漳南道督同本職與 徒復踵前弊呈乞添設縣治以控制賊巢建立學校以 數月遺黨復興今家調兵剿撫雖少寧息誠恐漏網之 不忍言正他二年雖家統兵剿捕未曾設有縣治不過

数月之内工可告成爲照南靖縣相離盧溪等處委的 易生上策莫如設縣况令奏凱之後軍餉錢糧尚有餘 等都分割管攝随地糧差及看得盧溪枋頭坂地勢頗 雄宜立观檢司以爲防禦就將小溪观檢司移建仍量 以建設縣治合將南靖縣清寧新安等里漳浦縣二 加編弓兵點選鄉夫協同巡邏遇有盗賊随即撲捕 一審據通都民人合詞執稱南靖地方極臨邊境盗賊 各人亦願鑿山採石挑土築城砍伐樹木燒造甎尾

定四庫全書

設巡檢司外足以控制饒平隣境內足以壓服盧溪諸 寫遠難以隄防管束今欲於河頭添設縣治枋頭坂移 父老子弟及地方新舊居民審度事體斟酌利害如果 經查勘奏請仍仰該道會同始議各官再行該府拘集 制兩省徭寨以真數邑民居實亦一勞永逸之圖但未 相應具呈到道呈乞照詳等因奉批看得開建縣治控 巢又且民皆樂從不煩官府督青誠亦一勞永逸事頓

灾卫马事至書

遠近無不稱便軍民又皆樂從事已舉與勢難中報即

處周悉經畫審當毋得茍且雷同致貽後悔批呈作 勘報等因依蒙拘集坊郭父老及河頭新舊居民再三 空址侍奏准命下之日以次建立仍一面通行鎮巡等 便居住其縣治學校倉場及一應該設衙門站且規留 勢就於建縣地內預行區畫街衢井卷務要均適端方 門公同會議此係設縣安民地方重事各官務要計 以永久無弊聽從願徒新舊人民各先占地建屋 具由呈來以憑奏請定奪仍一面俯順民情相度地

禁土基業已垂成惟恐上議中止下情難逐等情具呈 者願聽上砍伐以助木石有人力者又皆忻然相聚挑 前訪各交口稱便有地者願歸官丈量以建城池有山 詢父老諏咨道路眾口一詞莫不舉首願望仰心樂從 之後繼以重役竊恐民或不堪臣時替兵其地親行訪 令先已伐木畚土雜然並作裏糧趨事相望於道究其 旦夕皇皇惟恐或阻臣随遣人私視其地官府未有教 臣為照建立縣治固係禦盗安民之長策但當大兵

文已日車 A Man | /

諸果雖已破湯而遺孽殘黨亦寧無有逃逃山谷者舊 盗将不解自散行且化為善良不然不過年餘分將復 盗可散數邑之民可安故其樂事勸工不令而速臣觀 於此令誠於其地開設縣治正所謂撫其背而扼其喉 因縣治不立征剿之後浸復歸據舊異亂亂相承皆原 沿已久人心真望甚渴皆以為必須如此而後百年之 頭形勢實係兩省賊寨咽喉令象湖可塘大傘箭灌 以皆緣數邑之民積苦盗賊設縣控禦之議父老相 未敢擅為者惟縣治學校須命下之日乃舉行耳伏<u>願</u> 經畫區處大客已備不過數月可無督促而成民之所 其事體已有成規不過遷移之劳所費無幾臣等皆已 臣竊以爲開縣治於河頭以控制厚果於勢為便雖使 河頭者諸巢之咽喉枋頭者河頭之唇齒勢必相須兼 而不為至於移巡司於枋頭坂亦於事勢有不容已盖 民甚不欲猶將强而從之況其祝望欣趨若此亦何憚

王文龙全

起其時再聚兩省之兵又蘇數萬之費圖之已無及矣

息其反側若失今不圖衆心一散不可以復合事機 陛下俯念一方荼毒之久深惟百姓永遠之圖下臣等 已無救於事矣緣係添設縣治永保地方事理為此具 去不可以復追後有噬臍之悔徒使臣等得以爲辭然 其青令新撫之民羣聚於河頭者二千有餘皆待此以 所議於該部採而行之設縣之後有不如議臣無所逃 疏通鹽法疏十二年六

一欽定四庫全書

商民彭拱劉常郭閏彭秀連名狀告正徳六年蒙上司 業若有重大軍務應議事件益於政體便於軍民者明 明文行令贛州府起立抽分鹽廠告示商民但有販到 後随據吉安臨江袁州等府萬安泰和清江宜春等縣 白條陳聽會官計議奏請等因已經行仰所屬查訪去 各該巡撫官員令咸俱免赴京議事各要在彼修舉職

於 定 日 車 全 書

王文成全書

據江西按察司整筋兵備帯管分处領北道副使楊璋

呈奉巡撫江西右副都御史孫燧案驗准兵部咨行移

舊例行鹽地方不許越境以致數年廣鹽禁絕准鹽因 四年官商兩便正徳九年十月內又蒙贛州府告示該 **閨廣鹽課由南雄府曾經折梅亭納過勸借銀兩止在** 引願裝至袁臨古三府發賣每十引又抽 九渡水來者未經折梅亭在贛州府發賣每十引抽 勘合開稱廣鹽止許南贛二府發賣其袁臨吉不係 州府發賣者免其抽稅願裝至表臨吉三府賣者每 引員鹽自汀州過會昌羊角水廣鹽自黄田 一引疏通

禁止廣鹽止許南贛發賣不許下流但贛州古安地理 |怯河道逆流灘石險阻止於省城三府居民受其萬價 廣鹽查照南賴事例照舊疏通下流發賣萬民幸甚等 地里相連自昔至今惟食廣鹽一向未經禁草况廣鹽 因又據贛州府抽分廠委官照磨汪德進呈近奉勘合 間為建言民情事奉總督兩廣衙門奏行新例如蒙將 許於南贛二府發賣原亦不係洪武舊制乃是正統年 之苦客商阻塞買賣之源乞賜俯念吉臨等府與贛州

飲定日華全書

查正德六年奉總制江西等處地方軍務左都御史陳 默載從與國贛縣南康等處小路越過發賣者其弊多 金机據江西布政司呈准本司右布政使任漢咨稱查 船執持克器用强越過後雖拏獲數起問罪不過十之 一二又有投託勢要官豪夾帯下流發賣者又有挑擔 **隅水勢洶惡衝斷橋索以致奸商計乗水勢聚積百** 不禁則違事例禁止則勢所難行呈乞議處等因卷

相連水路不過一日之程今年夏驟雨泛張雖有橋船

得江西十三府俱係兩淮行鹽地方湖西嶺北二道灘 發賣立廠盤掣以助軍的及據江西按察司兵備副使 遵照物諭便宜處置暫許廣鹽得下袁臨吉三府地方 令南雄照引追米納價類解梧州軍門官商兩便軍餉 王秩亦呈前事随該三司布政等官劉果等議得委果 充足當時止是奏行南贛不曾開載袁臨吉三府合無 肥已先衆總督衙門奏准廣鹽許行南贛二府發賣仰 石險惡淮鹽因而不到商人往往越境私販廣鹽射利

尺飞马车在车

據前因随查得正徳六年十一月二十七日設立抽 袁臨吉不係舊例行鹽地方不許到彼如有犯者不 於事有益於法無礙呈詳批允前來遵照立廠照例抽 該本部覆議內開廣東鹽課仍照正德三年題奉 外正德九年十月內准户部咨該巡撫都御史周南 万 起至正徳九年五月終止共抽過稅銀四萬八 引無引供照律例問罪没官又經行仰禁革去後 理有引官鹽許於南贛二府發賣不許再行抽

等處賞功軍的并搞勞過很兵官軍上兵口糧并取赴 城池買穀上倉預備張濟及遵巡撫軍門批申借支贛 税獨重前項商稅所入諸貨雖有而取足於鹽利獨多 兩由此觀之則地方糧的之用氣費不肯而仰給於商 州衛官軍月糧等項支過稅銀三萬八千二百九十餘 十餘兩陸續奉撫鎮衙門明文支發三省夾攻大帽 州征剿姚源軍前應用及起造抽分廠應浮橋脩理

飲定四車全書一个

及查得近為緊急賊情事該兵部題奉欽依轉行議處


停當具由呈報該本道會同分守守備衙門議得賊首 |續收銀兩止有一千六百餘兩但恐不日命下尅期進 支用外止餘二千九百餘兩又是節催起解赴部之數 糧的等費約用數萬查得贛州府庫收貯前項稅銀除 剿去後及議得本省動調官兵以三萬為率半年為期 謝志珊有名大寨三十餘處確眾數萬盤據三首躬亮 剿軍行糧食所當預處及查得廣東所奏前項鹽法准 極惡神怒人怨已經呈詳轉连奏聞動調三省官兵會

巡撫都御史孫燧批看得所議鹽稅既不重累商人抑 **隔意外之變誠為一舉而三得矣等因已經備由呈奉** 苦南贛二府軍門得軍餉之利而關津把截去處免阻 事少寧另行具題禁止與袁臨吉三府居民無之鹽之 前商許於袁臨吉三府販賣所收銀兩少為助給 别行議處以備軍餉庶使有備無患不致臨期缺乏候 合無查照先年總制都御史陳金便宜事例一面行令 行南贛二府販賣果係一 一時權宜不係洪武年間舊例

官射利擾害地方具由繳中今照本院撫臨理合再行 道并該府縣遵奉仍禁革奸徒不許乗機作弊因而瞒 酌適中田報依奉訪得商民販鹽下至三府發賣者倍 取其利既許越境販賣乃其心悅誠服並無稅重之解 其一吉臨等府十而取二似乎過重仰行再加詳議斟 且有裡軍鉤與情允協事體頗宜但其至贛州府十 經呈詳奉批看得所議鹽稅事情商買疏通軍飾有 舉兩得合遵照欽奉物諭便宜處置事理仰行各

戽

照前項鹽稅商人既已心服公私又皆兩便與亦所謂 恐無羨餘可推若不請發內帮未免重科貧民然內帑 賊淵數即今具題夾攻不日且將命下糧鉤之費委果 以管建方新力或不逮貧民則窮困已極勢難復征及 庫藏漸竭湖廣以偏橋之討稱貸既多亦皆自給不瞻 缺乏計無所指必須仰給他省但聞廣東以府江之師 呈請照詳等因據呈到臣看得賴南二府閱廣喉襟盗 加賦而財足不擾民而事辨臣除遵照物諭徑自區 王文龙台





腾绿監生臣謝 惇校對官庶吉士臣羅修源總校官庶吉士臣張能照